

頌

天

臚

筆

頌天臚筆卷之二

東吳野臣金日升謹再

聖諭聖旨

旌忠

臣聞崑岡煅玉志士以之矢節疾風勁神
明辟于焉懸鑒矧夫毒流婦寺烈焰戎陌
匪具鐵腸寧觸璫然乃陳賓畢命靡聞來
雪訓注駢首徒滋永歎循覽陳蹟涕洟千

古詎謂

熙代罹此逆闇構我搢紳之禍無滅清流之懷
乃三木如飴九死靡悔

養士之報斯焉見之今

皇上痛悼諸哲

錫之異數

馬鬚匪徒浦江之祭

與詎惟少宰之祀百爾君子可以死

旌惡第素

照磨曾明昌爲雪憤潛冤事奉

聖旨萬歲萬歲死據皆清恩正直之臣以觸忤道
瑞一杖懲焉前奏奏事雖極憤惄卽着與查該部
卹錄後具奏該部知道

○戶科給事中瞿式耜爲忠節之臣事奏
聖旨這本說楊漣魏大中周順昌之死最慘宜
全給廕謚建祠賜額著該部議覆又說逆瑞指
年中厥南楚死多命大千天和良是卽着順天
府尹于祈兩壇側共爲一祭以慰幽冤該部
知道

○原任吏部尚書趙南星男趙清衡奏爲忠直首觸兇鋒事奉

聖旨趙清衡所奏伊父慘死亦自可憐趙南星復原官給與祭葬還與他謚趙清衡准復原廢該部知道

○原任簡討丁軋學第丁復學奏爲奸黨計串殺命事奉

聖旨據奏奸惡誣傳駕帖劫殺守正詞臣情事甚據着法司從公勘實具奏

○原任四川道御史夏之令男夏承謙奏為
微臣怨在必報事奉

聖旨夏之令冤死可憫已議優卹當日疏參被
逮事由倪文煥非由卓遇今文煥已經遣戍
何得一槩以報怨爲言該部知道

○原任左都御史高攀龍男高世儒爲甚變
冤苦事奉

聖旨高世儒爲父高攀龍奏謝知道了攀龍孤
忠遂學秉節正終朕覽奏惻然所進諸書悉

留覽

○原任應天巡撫周起元男周彥陞奏爲恭
忠被禍事奉

聖旨周彥陞爲父周起元奏謝知道了起元歷
任著勞慘死河濶着與他謹已後曾經贈旌
過的不得再來演陳

○工科給事中潘閔題爲聖治肯新事奉
聖旨起廢冗節衆議盈廷要在捐弃成心便正
渾同衆見可謂救時之論袁崇煥本品屢奏

封疆有勞朕所鑒知大計懲貧在朝者舉送
法司在外者發與撫按還照舊規行鄒元標
馮從吾已准與他應得卹典確查具奏楊漣
等分別卹廢已有屢旨仍與近日首擊大奸
各疏宣付史館以昭法戒熊明遇等都與雍
議起用該部知道

○撫寧侯朱國弼奏爲直糾奸閹事奉

聖旨朱國弼准開俸已有旨三年罰住原俸都
着補給本內字畫潦草殊違奏章格式以後

還宜敬慎該部知道

○禮部題爲孤臣捐軀報國事奉

聖旨楊以成合家死難情事甚慘其葬贈鄭庶
與建祠立坊都准照例賜給以慰忠冤楊以
荼併楊定等同死難的俱附祠春秋致祭俱
依擬行該部知道

○刑部爲欽奉 恩詔事奉

聖旨嚴衛深文附會鋟鍊深可痛恨耿如杞著
與開復原職胡士容李柱明俱照奏內改擬

發落方震孺惠世揚着九卿科道從公會
來說該部知道

○江西道御史題爲遵旨捐名入告事奉
聖旨耿如杞不拜生祠具見風節已有旨于該
部知道

○原任兵備副使耿如杞奏爲

聖主殊恩事奉

聖旨覽奏強項始末及下獄情節深可嘉憫耿
如杞着卽銓補優敘以抒直氣不必陳情回

籍該部知道

鋤姦

臣聞芟夷蘊崇凶惡之上術放流謫殛麻
世之成典矧藉叢作姦情毒空國者乎
趙高授首夷及三族張謾伏誅戮革平然
然而璫禍甫釋大亂旋起申討非難妙用
不易耳我

列聖繼作內豎代戢振瑾構逆俄就誅夷至
忠賢則包藏叵測假扁有年羽翼已成投
鼠多忌乃

皇上旬月乘輶一朝翦滅纖芥不動耳目頓易

徐掃逆授悉正

天憲於萬斯年洵可矜已撰鋤姦第八

○兵部接出

聖諭朕御極以來深思治理乃有逆惡魏忠賢擅竊國柄蠹盜內帑誣陷忠直冀營多命狠如狼羣本當肆市以雪衆冤太以微輕降黜鳳陽知臣惡不思自改輒敢將素齋陰余之徒身帶凶刃不勝其數環擁隨護勢若叛然

朕心甚惡着錦衣衛卽差的當官旗前去扭解押赴彼處交割明白其經過地方着各該撫按等官多撥官兵沿途護送所有跋扈姦奸卽將擒拏具奏勿得縱容遺患若有跋扈責有所歸爾兵部馬止差官星速傳示各該衙門特諭

○錦衣衛接出

聖諭朕聞去惡務盡御世之大權人臣無將有位之炳戒我國家明懸三尺嚴繩大憝典至

重也朕覽諸臣屢疏陳列逆惡魏忠賢滔天
罪狀俱已洞悉朕思

先帝以左右微勞稍加恩寵忠賢不思盡忠報
國以酬隆遇專一逞私植黨怙惡作奸盜弄
國柄擅作威福難以枚舉略數其槩將

皇兄懷寧公主生母成妃李氏假旨革奪至今
含冤未雪歲迫已封裕妃張氏立致捐生雖
死九泉其目未瞑借旨擅將敢諫忠直之臣
羅織削奪慘毒備至又復串同心腹酷刑嚴

誇誣程班私立斃多倫他若鑿詩鑄守母求
善良枯干立枷克戾重足道路側目而姦惠
乃身受五爵並崇五等極人臣未有之榮遇
同客氏表裏爲姦當

先帝彌留之時猶復叨恩晉秩無有繼踵今賴
祖宗在天之靈海內蒼赤有幸天厭巨惡竊奉
其鬼二犯罪案次第畢露朕又思恐讐讐等惑
正窺攘名器紊亂刑章將我

祖宗蓄積庫貯傳國奇珍異寶金銀等物朝廷

盜竊幾至一空何物神姦大膽乃爾本當寸
磔念梓宮在殯姑置鳳陽卽將二犯家產着
錦衣衛會同五城及緝事衙門親詣住所將
一應家貲莊田及違禁等物盡行籍沒入官
逐件從實開列來看其原籍違式服袴等類
着落有司清查的確具奏如有隱匿朦朧等
情許據實糾叅一併連坐亦不得株連無辜
其胤濫第侄親屬俱發煙瘴地面永遠充塞
嗚呼大奸脫距國典用彰自懼于辟情罪允

孚特論

○都察院等衙門接出

聖諭設官分職內外各有攸司人臣守正奉公
交通內官爲非法朕覽大明律一欵凡諸衙
門官吏若與內官及近侍人員互相交結漏
泄事情夤緣作弊而扶同奏啓者皆斬妻子
流二千里安置

祖宗深知治亂之原邪正之辨以此爲後世子
子鑒戒至爲明切昨逆惡魏忠賢崔呈秀表

裏爲姦把持朝政變亂

祖制貽禍生靈業已磔誅以抒臣民之憤自後
大小臣工須知各守職業各効忠誠本無招
權納賄之私心何必巧營別竇共矢特立獨
行之風節自可上結重知居高聽卑朕方嚴
聞于明達踰階歷位爾宜自愛其身名微病
敢蹈前轍交結作弊若尋爲禍始罔顧玉章
朕必究治所系姑恕仍許科道官不時實糾
參治務省積習用肅官箴爾等具欽承之特

諭

○吏部都察院榜出

皇諭朕惟帝王憲天出治首辨忠邪臣子致身
事君先明逆順經凜人臣無將之戒律嚴近
侍交結之條邦有嘗刑法罔攸赦賢逆魏忠
賢猥狡下才備員給使傾回巧智黨藉保阿
初不過窺嚙唉以市陰陽席寵靈而發害責
使庶位莫假其羽翼何蠢爾得肆其毒痛乃
一時外廷朋姦誤國實煩有徒或締好宗盟

或呈身入幕或陰謀指授肆羅織以屠善良
或祕策合圖收利權而筦兵柄甚且廣興祠
頌明著首功倡和恩極于三封稱頌浸淫于
無等釀成逆節致長燎原及朕大寶嗣登嚴
諭屢沛元凶逆孽次第芟除尚有餘罪邀勅
倒身竄正以望氣占風之面目誇發奸指佞
之封章跡其矯誣惡容錯貸朕鑒察既審特
命內閣部院大臣將發下祠頌紅本叅以先
後論劾奏章臚則擁戴詔附建祠稱頌贊導

諸款據律推情再三罰據首正奸逆之案嚴于五刑稍寬協從之誅及茲三禱其情罪輕減者另疏處分姑開一面此外原心宥過終有漏遺亦赦不究自今懲治之後爾大小臣宜洗滌肺腸恪脩職業共遵主路悉斬藤蔓無曠官守而假事譖張毋急恩仇而指難參舉朕孰是非以衡論奏程功實以課宣達有一子斯必罪不宥當各懲勸乃亦有無咎哉故諭

○大學士韓爌題爲欽奉 聖諭事奉

聖旨覽卿等奏逆黨附誦人罪狀各殊刑章宜
正除重辟正法監候追問見擬外其充成招
遣及贖徒爲民該撫按照擬從正具奏朕遵
明國憲勅法除姦申儆官邪照布中外還同
勅諭一併通行該部知道

○山西道御史奏爲權閻罪狀事奉

聖旨覽奏權閻罪極表裏爲奸如其一死未足
贖辜這逆孽魏忠賢十大罪朕俱洞悉與崔

呈秀並行勘贓籍沒盡法該部知道

○錦衣衛題爲欽奉 聖諭事奉

聖旨逆惡魏忠賢及李朝卿縊死旣真該縣相
視明白姑與掩埋其行李解河間府同籍沒
家產一併具奏隨押內官唐昇着解來司禮
監究問家人六十兒店主驃夫審無別情卽
與釋放該部院知道

○保定巡撫奏爲奉旨籍沒事奉

聖旨逆孽魏良卿罪惡貫盈旣奉旨籍沒家財

自應封固還官其親屬亦當束身待罪乃羣奸竊貲隱匿大干法紀內官梁應琦等着司禮監提問追贓治罪劉魁英及見獲魏撫民等都着法司嚴提正法杜一良等該撫按查明究擬具奏該部知道

○錦衣衛奏爲欽奉

聖諭事奉

聖旨是奸孽魏良卿等着法司從重擬罪其未獲魏良棟等着都察院移文彼處撫按并緝事衙門嚴行訪拏務在必獲以正國法該衙

門知道

○貴州道御史

題爲逆闖有羅天誅

事奉

聖旨覽奏魏志德楊六奇等旣係魏忠賢族親
豈容寬假着究贓外卽行收捕遣戍呈秀贓
私尚多還着嚴訊崔鐸追解并訪冒濫親族
究治楊朝棟等吏部議用該部知道

○刑部題爲欽奉 聖諭事奉

聖旨魏良卿市井傭販爵冒上公侍妖姍逆璫

表裏交結僭竊無等陰謀叵測并侯國典既
間擬的確會官處決客先楊六奇姑着發
煙瘴地面永遠充軍餘依擬該部知道

○刑部題爲會議事奉

聖旨奸惡魏忠賢串通逆婦客氏恣威擅權逼
死裕妃馮貴人矯旨革奪成妃名號慘毒異
常神人共憤朕與昭雪復號以慰

先帝在天之靈其禍害縉紳盜匿珍寶未易枚
舉皆繇崔呈秀表裏爲奸包藏禍心謀爲不

軌仰賴

祖宗有福陰謀隨破二兇天殛人心大快乃五
虎李夢龍等附權驟擢機鋒勢焰赫赫逼人
五虎田爾耕等願指佐威殺人草菅幽圖彙
累沉冤莫白其元兇魏忠賢崔呈秀早定冤
書虎彪俱照各官削沒着法司併行依律擬
罪以伸國法該部知道

○都察院司務許九臯奏爲久鬱之輿情事

奉

聖旨據奏魏忠賢元兇巨惡已經殄滅家產盡
沒稍釋中外之忿其田爾耕職任要地冒濫
錦衣榮及僕隸鯨吞霸占慘害生民不可勝
計今被害之家欲食肉寢皮蓋充室所積莫
非民膏不啻元兇之富其侵占故相賜宅擅
毀聖旨御碑尤可痛恨着先行削籍爲民其
家資并各地夥計行該撫按卽時封固盡數
籍沒以充邊餉李承恩已有旨了保身之說
于朕有裨知道了該部知道

○文書房傳出

聖旨籍沒犯人魏忠賢及客氏家私着秉筆太監張邦治等眼同廠衛及五城御史等查點勿得隱漏該衙門知道

○浙江道御史奏爲 聖治維新事奉

聖旨崔呈秀已命廷臣會勘張凌雲陳大同已經處分汪心淵功罪行該撫按從公查核具奏魏忠賢田吉田爾耕俱有旨了

○國子監司業朱之俊爲惡生借旨事奉

聖旨國學禮法所在豈容惡生借旨橫肆竊利
多端且原疏欲購民房乃輒用射圃益爲欺
悖這曹代何等互訐事情嚴行提究追贓正
罪該法司知道

○國子監司業朱爲惡生之罪狀事奉

聖旨魏忠賢生祠不論在京在外已發未發的
都着通行拆毀變價助邊建在國學猶屬無
等着卽刻拆毀不准存留別改該部知道

○江西道御史李題爲奸貪事奉

聖旨魏忠賢假旨害人專權植黨朕已處分
先帝實錄史臣纂修自秉公論其已經彈劾諸
奸賊私顯著者仍着不時糾參該部知道

○河南右叅政潘曾絅題爲微臣職司風化

事奉

聖旨這本所陳有裨風化李映日等着法司究
擬內外生祠通行拆毀變價助邊有旨了開
錮士一欵陳子壯等該部科俱與酌議來說
○國子監司業朱之俊奏爲 聖命新頒事

奉

聖旨惡生背旨交結着該司作速追贓正罪這所奏地仍遠射圃現造改爲官舍俱依議復行餘已有旨了該部知道

○通政使呂圖南奏爲欽奉

聖旨事奉

聖旨覽奏進陸萬齡等及李映日等原疏猖狂僭逆非所宜言該司守正駁寢具見定力李映日止于革去衣巾不足盡其辜着併王承暘徐行孫維暘拏送法司同陸萬齡儲寓奇

曹代何嚴審擬罪具奏該法司知道

○通政使奏爲大奸叛跡已彰事奉

聖旨逆奸崔呈秀交結逆璫招權納賄罪惡貫盈死有餘辜貪私狼籍法應沒入卽着撫按地方官將一切家產盡行嚴加封固細查明白造冊具奏以濟邊餉如有隱匿窩藏一體治罪該部知道

○兵科都給事中題爲輔逆賊臣欺君藐法事奉

聖旨蕭惟中媚優賤品驟得都司着法司拏究
正罪章奏字句還要雅馴該部知道

○雲南道御史爲急請 明旨處分事奉

聖旨逆孽魏良卿等上侵府藏下剝民脂家賞
法當沒入豈容匿寄諸黨既有實據着差出
內外各官將本內有名人犯嚴行拘究僧道
着先行嚴緝務在必獲其原籍肅寧縣家產
着彼處撫按嚴加封固查明從實具奏如有
容隱一體治罪該部知道

○順天巡撫題爲權奸納賄事奉

聖旨逆奸崔呈秀貽私是在籍金銀等件數目俟查明具奏其在京宅藏貯的着該城御史查核盡數籍沒該部知道

○直隸巡按題爲權奸納賄事奉

聖旨是崔呈秀貽私在薊州的着該管有司巡邏查驗逐一造冊具奏其在京住房家貲着巡視西城御史沒入薊鎮重地道臣猶宜速補該部知道

○直隸巡按題爲都司乃欽點之官事奉
聖旨蕭惟中已有旨了客氏旣籍沒客光先自
應遣戍着照勅諭行該部知道

○工科給事中題爲奸弁媚權殺人事奉
聖旨劉鐸一案罪璫魏忠賢誣殺非條委屬可
矜張體乾旣聽使令豈得強辯飾罪餘有旨
處分該部知道

○戶科給事中題爲權奸雖殄事奉

聖旨這奏內元兇雖殄羣黨五虎五彪未正國

憲豈容揚揚載歸驛擾驛遍五虎中未知其
一的係何人指名叅奏無得疑畏庇護各黨
應得何罪着三法司會議具奏方震孺無封
疆之責似難坐辟着大小九卿科道官會議
作何開釋周起元輒斃囚圖着行優卹李寔
獻媚誣叅以致緹騎激變地方罪責何辭着
降做奉御發去南京新房閑住徐文輔勒造
衙宇糜費公帑縱容牙爪嚇索多金本當重
處姑從輕降做小火者發去鳳陽司香還各

寫帖子去以後內外各官都要痛加洗滌各
修厥成毋得仍蹈前非自取罪戾該部知道
○吏部奏爲遵 詈會勘事奉

聖旨逆黨崔呈秀負國忘親通同擅權雖死
尚有餘辜着法司按律確擬累著其罪以垂
永戒該部知道

○戶科給事中奏爲遵 詈指名事奉

聖旨倪文煥旣係五虎之一着法司並併擬累
具奏該部知道

○中書房監生王之鼎爲城狐作祟事奉
聖旨黃山一案着遵前旨該撫按速結具奏許
志吉生事害民着撤回該部知道

○山東道御史吳尚默題爲逆奸在邸賊私
事奉

聖旨覽奏奸惡崔呈秀在邸賊私旣經籍沒有
銀兩等箱現貯兵馬司庫中卽着該坊官照
數解進餘依擬變價助餉對君有體是後邪
議壅語不許入疏瀆聽該部知道

○保定巡撫奏爲欽奉 聖旨事奉

聖旨覽奏魏良棟等既經緝着法司行提正罪其未獲魏希堯嚴行緝拏傳之佐楊祚昌有無冒濫并着吏兵二部確查具奏該部知道

○直隸巡按奏爲奉 聖旨事奉

聖旨覽奏田爾耕籍沒貯私銀兩金玉等項既嚴核無異着差官照數驗明解進助餉其房屋雜糧等項另行確查具奏該部知道

○禮科復陳逆奸之斥事奉

聖旨崔鐸係巨奸崔呈秀之子同惡相濟豈得復玷賢書着將崔鐸并冒錦衣之子查明繫從褫革并送法司究擬該部知道

○大理寺卿張九德題爲惡生抗旨事奉

聖旨陸萬齡等着監候處決戴明德依據該部知道

○兵部題爲奸弁擅權殺人事奉

聖旨覽奏張體乾羅織無罪既確着送法司從重擬罪該衙門知道

○戶部題爲總督內監裁革事奉

聖旨涂文輔附逆糜費已經遠斥廳所公署着
兩部變價還庫其繳回勅印卽行銷毀該衙
門知道

南京國子監祭酒羅喻義直陳惡生造事
事奉

聖旨邇來士風狂逞匪夷敗類實煩有徒這撫
元脩等倡事媚權挾師叛教於法豈容着行
南京法司捉究分別正法具奏該部知道

○刑科給事中薛國觀爲權奸伏辜事奉
聖旨覽奏權兇柄事賄賂公行大清清議深可
痛恨季寓庸許其進劄繩祖俱着該部議處
來說梁夢環着冠帶閑住喬應甲撫秦穢跡
多端再加勘議該部知道

○道御史陳乾陽題爲結璫事奉

聖旨黃山一案合郡鼎沸吳孔嘉新進詞臣不
思守分讀書乃冀奸擣惡大違公論本當同
許志吉究問袒釁起父仇或不意毒流至此

姑着削了職爲民永不敘用該部知道

○戶部題爲舊餉缺額事奉

聖旨權奸剝削軍國以肥私室旣經籍沒所有房地自應變價充餉在內五城御史在外各該撫按務將房屋從實估計變價解進以補缺餉不許仍前賤估該部知道

○太監張祁詔爲恭進銀兩事奉

聖旨這逆犯魏忠賢莊房變價銀三萬九千五百四十九兩九錢二分着交進內庫照數查

收其未完二處俟完日另進該部知道

○刑部爲遵 旨會議事奉

聖旨覽奏逆惡魏忠賢掃除斷役憑藉寵靈碑
脫宮闈荼毒良善非開國不妄分茅土逼
至尊而自命尚公盜帑弄兵陰謀不軌雖逆婦
客氏傳遞聲息把持內外崔呈秀委身奸閥
無君無親朋攘威福之權大開縉紳之禍無
將之誅自有常刑旣會議明確着行原籍撫
按魏忠賢于河間府戮屍凌遲崔呈秀于薊

州斬首示衆仍將爰書刊布中外曉諭以爲
奸惡亂政之戒魏志德等俱依前旨發煙瘴
地面永遠充軍誥命槩行追奪其魏良棟魏
鵬翼崔鏗崔鑰旣係孩提無知准釋放以彰
明廷法外之仁該部知道

○刑部等衙門題爲遵照旨會議事奉

聖旨奸逆盜權陰謀叵測凡厥黨與所宜嚴懲
這五虎五彪旣會議的確李夢龍吳淳夫倪
文煥田吉行旅籍撫按照數追賊解助邊餉

完揀發附近衛所充軍佃爾耕許顯純都着
原籍監候處決崔應元楊寰孫雲鶴行原籍
撫按發邊衛充軍各犯誥命通行追奪以爲
附權蠹正之戒該部知道

○刑部等衙門題爲奉 旨勘問事奉

聖旨覽奏劉鐸一案羅織衣冠駢首西市獻媚
權惡立斃多冤洵神人共憤其罪豈可勝誅
張體乾律斬谷應選例絞允當着暫監候處
決餘俱依擬該部知道

納諫

臣聞從繩則直借鑑則明檻折裾落盛朝之所罕覩鑄批耳逆明主之所未有以石投水理固然耳昔止輦而受炎祚彌永寧手而讀季后有譽我

二祖開受言之路

列聖弘納誨之益咸垂韜鐸竝藪山海逆闊竊柄舉國抱葉迨乎

聖主龍飛羣彦鳳翽鷹鵠之逐

採及子衿葵赤之獻

茹此衆正封事朝上漣澤夕下吁唏之盛何以加茲撰納諫第九

○吏部都察院接出

聖諭朕踐祚以來寤寐恭理諸凡政事利弊人
才賢否亟欲兼得周知以故諸臣建白無不
虛懷茹納冀得要領卽見施行其以所開言
路蓋不啻殷汜諸臣敷奏必切實有鑿鑿可
行乃于治理有裨若陳詞囂雜徒憎枝蔓朕

無取焉昨諭科道諸臣嚴加申飭正爲宣牧
忠益初非厭薄謙言頃天變頻仍京師地震
宣大之間猶甚日光雷霧種種示異三秦旱
魃浙省水災慘不忍聞朕終夜以思深用祇
懼今日吏治民生夷情邊備事事堪憂一切
整頓敕寧實惟嘉言是賴爾大小諸臣其滌
乃肺腸各傾忠盡務求精白之忱弘抒剗切
之論或酌見人之賢否摹擬必得其真或洞
悉事之利病條奏必中其窺朕得于省覽一

見了然斥陟典除確有依據使天下受言之
利而爲不病之需于以恢弘化理弭戾召和
于朕宵旰憂勞側身脩省至意庶幾無負爾
大小諸臣亦與無窮之間嗚呼苦口而利于
行必求諸道言忠而期底績要在必行爾其
嘉猷時惟良顯欽哉故諭

○大學士韓爌等揭帖奉

聖旨朕加意蕩平久已撥弃門戶不許言黨諸
臣才品臧否職業修廢朕自有鑒衡何分畛

域以後各務洗滌一體虛公共借大道其橫
生意見妄起戈矛借題制人罪在不宥惟願
等疏原欲召對覽卿等奏朕知道了察期在
邇沈惟炳着作速料理該部知道

○工部營繕司主事 題爲天道旣一事
奉

聖旨這本說用賢才核職業循名責實化異爲
同是當今第一要務所言各衙門事理亦多
切當着實申飭覆該部知道

浙江道御史奏爲 聖政維新事奉

聖旨覽奏內高弘圖因事陳言具見忠謹着該部酌用劉志選奔競權門姑着回籍爲民起用王永光撤回李明道等俱已有旨了該部知道

○山西道御史爲 聖治維新事奉

聖旨這本說勤召對以杜僉邪廣考選以弘言路皆有裨新政可行各奸旣除廢棄宜復劉鐸昭雪已有旨了張體乾自當重處黃承昊

等以門戶削奪的着與議起用該部知道
○浙江道御史題爲刑賞之案事奉
聖旨這本說起廢籍雪冤獄已有旨着部科道
從公會議袁崇煥趙率教卽興起用封疆事
大修防正急在事諸臣自宜一力擔當悉心
料理以保萬全該部知道

○河南道御史題爲聖治方新事奉

聖旨這本說安民各款俱切實可行責成撫按
之說猶是着實申飭行咨訪時政清心寡慾

有裨朕躬知道了該部知道

○河南道御史題爲國是清明事奉

聖旨據奏統均得人宜擇司屬講學何妨明斥
匪類說得是見在推知俸序及期者着查例
一體考選其廢籍諸臣卽與酌議起用該部
知道

○湖廣道御史蔣守藩奏爲聖主燭奸毘
發事奉

聖旨大奸旣去衆正宜登這所奏削奪諸臣從

公分別逮繫株連確查寃恤俱有旨了該部
知道

○工部虞衡司郎中吳炳奏爲亂賊業已天
誅事奉

聖旨奏內向來權奸殺僇拖累禁錮諸臣已有
旨寬卹分別錄用舊輔臣爲奸惡削奪着卹
與復原官該部知道

○吏科給事中魏照乘題爲枚卜之典旣據
事奉

聖旨枚卜求賢自昔所重金甌盛事侈爲美談
朕俯採公評仰叅天意虛公處慎不敢自寧
惟務忱恂事人以爲社稷生民之利這所奏
四事詳覈勉勗新輔亦自得體著爲例增奉
會典永爲遵守召對係先朝故事朕自當舉
訪之該衙門知道

○簡討項煜奏爲 聖政千載一時事奉
聖旨這奏去奸起廢恤死釋成豁賊等項知道
了李實業經處分文震孟等與袁崇煥已有

旨起用其未用的并與議復許志吉以勘黃
山一案肆行貪橫着該部撤回重加議處其
許志才吳子勝等殘虐地方卽着該撫按提
問追贓正罪該部知道

○兵科給事中題爲重以天和事奉

聖旨朕勵精圖治奉天無私大小臣工亦宜靖
恭爾位共襄大道說得是被斥諸臣務酌核
本末以定用其追贓一事施累堪憐這熊廷
弼妻楊漣母都着寬釋贓銀免追其極之煩

程註賊銀該撫按卽與豁免具奏該部知道
○兵科給事中彭祖壽爲明旨和衷事奉
聖旨這本說臺省議論貴平銓曹執持貴定甚
是得人用人要領江西湖廣人才摧折甚多
朕甚憫惜一應廢弃諸臣如果誣陷有據人
望咸歸者卽與復官候缺實補其物議彰明
者不得借題起用工曹加銜太濫吏部計併
清汰具奏該部知道

○廣西道御史梁炳爲聖主用人事奉

聖旨這奏會議諸臣被謫被削者不必槩借權
璫爲題還宜酌量材品此亦虛平之論至起
用分爲三案猶得考功之法程課職業俱是
可行該部知道

○都察院爲仰遵 聖諭事奉

聖旨覽奏條議具見救時遠猷邇來有司積穀
半充橐橐深可痛恨今後除該撫按濟邊正
額外地方官盡準時價收穀入倉以備荒年
仍着撫按不時廉察違者重治破情面絕餉

飭以嚴懲偶夷猶得循名責實之法盜賊縱橫上下相蒙養亂可慮行撫按官勒限消弭有司覲畢卽速赴原任安輯地方不許枉道回家士習囂凌今已至極其副榜希圖會議監生乞恩充爲近例所無着該部立案勿行其聚黨把持衙門者督學及緝事員役嚴行究逐未朝覲官員經留用者着條陳兵農要務揭送戶兵正部精擇類進朕將操天下公議究治安之策該衙門知道

○吏部題爲遵奉 明旨事奉

聖旨吏治臧否關世道生民覽卿奏具見精核
糾劾貪墨是肅清吏道第一着行省直撫按
官申飭道府等官凡有司貪迹顯著的不時
開報卽與叅題如道府等徇情庇貪事發一
併重處用人宜破方隅勿得起炎遺冷以乘
政體說得是以後凡經撫按彈文察官不許
奏辯其奉差部司于地方如有關涉撫按官
一體奏劾該部知道

○大理寺少卿姚士慎奏爲循職攄忠事奉
聖旨覽奏奸孽魏良棟等已逃着該衙門嚴行
緝獲以正國法方震孺已有旨了惠世揚以
言官勢傾官府罪雖自取旣經恩卹着作速
會議開釋毛士龍着自行投到法司與從寬
結案該部知道

○浙江道御史陸獻明題爲 聖政方新事
奉

聖旨學問須資召對是有關朕躬事當採行之

薦舉宜擇真才真品不得厖雜以起議論
祖宗成憲具備各衙門只合恪守情面何可輕
徇覈虛餉汰冗員亦節財要務今後內外各
官着加意清楚悉杜濫觴民膏浸竭一切無
名之徵已量停止有司還着實振飭遼黔二
方師老財匱急圖勦滅以與休息深合朕心
一併具覆該部知道

○禮科給事中李恒茂題爲

聖主圖治方殷事奉

聖旨這本說的是往日諸臣官誥削奪宜仍給還者速行補給昭朕曠蕩之恩遠方關係封疆科道官各舉所知以備採擇起廢一節先儘題差典試推升三項外其餘人多缺少銓臣虛平自能酌量除補陸續疏通所薦大小諸臣或起用或應推升都着該部一併看議本中贛字楚字俱錯寫着改正行該部知道

○
道御史爲聖主求賢若渴事奉

聖旨年來羣臣水火相尋無有窮已傷國元氣

朕甚悉之這番起廢必得特立獨行絕無依傍者以爲前茅無使沽風影之徒翻覆交構說得是本內所薦多孚輿論着卽與分別議覆起用該部知道

○原任御史方震孺奏爲孤臣卽日奉聖旨方震孺備經苦毒已蒙開釋其規勸諸臣持論亦平知道了在京在外監禁多人應否照數公審法司確議來說該部知道

道御史戴

爲泰運方開事奉

聖旨培元氣是治平要務諸臣但能同心盡職
曾何意氣議論恩怨勝負之可爭近日薦舉
厖雜邊才未確今後科道官非真品非實與
身歷邊塞籌略者都不許徇情濫舉這本說
得是該部知道

○侍講倪元璽奏爲公議自存事奉

聖旨覽奏三案兩端之議原當並存但已有實
錄自不必復增要典且免設史臣編纂苦心
則其論斷之有難倘作在史臣亦自念之這

所請關係重大着禮部會史館諸臣詳議具奏聽朕獨斷行

憲廟實錄着擇期并館纂修務以平心存其兩是餘諸臣亦各宜和衷共偕大道這疏持論虛平有裨時政該部知道

○廣東道御史爲廣厲正直事奉

聖旨覽奏廢弃之錄宜早考選之頒宜亟邊將之升宜酌至于簡核品深職業皆當以正直忠厚從事說得是北土荒曠墾闢可於沿邊

屯種有資防守着該地方撫按有司官商酌
便宜該部知道

節用

臣聞漆器作而諍臣進象箸御而哲人歎
豐約之際古昔所慎然百金之費無取悔
責三滌之服靡致雍熙早晚異時本末殊
術絕源墐孔端有待焉我

皇上鑒封靡于周詠

象損節于大易文錦

止供爰息闔豎之擾珍饌

減御時省中人之產凡所裁縮咸充饋餉

素風是鵠允廟羔羊之節

儉德爲纓旛繫豺豕之頸茅茨土階方斯侈
已撰節用第十

○工部爲欽奉 勅諭事奉

聖旨據奏慶陵工費錢糧拆卸兩陵數目甚悉
先帝陵寢俱着依此爲式然經費至二百餘萬
該部宜極力措處該監司督工在事諸臣及
經營科道官務要加意撙節早襄大典以慰
朕懷該部知道

○欽天監監正葉震春題爲建元鉅典宜新
事奉

聖旨據奏進曆期迫更換年號未能卽完准改于十一月初一日行其御覽進內日用刻印不必寫冊以省工費餘依擬該部知道

○工部爲傳奉事奉

聖旨覽奏該部領出帑金五十萬兩節省經營先帝陵寢知道了內失銀一錠雖責委官賠補還嚴行地方官追緝疏內犯御名着改正行

以後務要敬慎該部知道

○工科給事中郭興言爲陵工浩煩事奉
聖吉覽奏陵工費煩府庫如洗節省那奏委是
要法奸璫祠宗在京在外槩從拆卸變價助
工至收用餘剩磚石查取殿工架木及催各
處事例銀兩皆屬可行而恤商免抑尤當
加申飭行該部知道

○錦衣衛左都督鄭士毅奏爲連旨覈濫
有緒事奉

聖旨該衛官屬雜操清汰宜詳其闢旂色役亦
須人有實用不得以舊額三萬爲言還會同
兵部科道細加搜剔具奏該部知道

恤民

臣聞大師維垣丘民爲貴昔山東父老屢聞賜租之詔江南赤子靡靳告糴之請矧夫倒懸乍解湯火初出等雲漢之牙遺悼若華之鮮飽者乎我

國家熙洽累葉兵革罕覩成康之盛庶幾見之自遂豎播虜海內發動箕斗之困踵見犴狴之鬼夜泣否極而泰蹶生

聖明黍谷之緩律惟一沐時雨之降潤訖

西柄罷挹彌

慎司牧之選南冠釋繁更

著平反之令

豈第君子民之攸暨撰恤民第十一

○三法司接出

聖諭朕嗣承

祖宗洪業冀與萬方維新既以普惠羣臣因而
勤思民瘼日有孜孜焉頃覽刑部等衙閣審
錄之疏披閱再三朕心矜惻彼累繫者雖自

惟厥辜法在不赦揆以

上天之好生帝王之欽恤下車祝綱猶欲寬其
一面况值朕登極之初朝野共沐恩波而繫
囚獨遺化外朕何忍與除詔赦外所有南京
并各省直應決罪囚姑且暫免行刑都着牢
固監候不得疎縱以昭朕仁愛之意庶使新
政陽和雖幽圄僇民猶得沾槩餘恩特諭

○工部接出

聖諭朕自御極以來孜孜民力艱苦思與休息

惟是封疆多事徵輸煩重未遑蘇豁乃者織
造錢糧雖係上供急需朕痛念遠年加派絡
繹東西水旱頻仍商困役擾民不聊生朕甚
憫焉今將蘇杭在機織造錢糧上緊成造着
該地方官解進梁棟不必候代卽着馳驛時
日共改織錢糧仍入歲造內應用織造員錄
行停止朕不忍以衣被組繡之至重因此
方民力稍加輕怠用示寬仁俟東西底定
人日方行開造以稱朕敬天恤民至意特

諭

○禮部接出

聖諭朕惟三農之所望者歲百穀之所資者雨
故太平之世雨暘以時而禾稼用登家給人
足國用賴焉朕甚艷之踐祚以來敬天勸
民夙夜罔怠所冀

上帝降康樂有豐年乃至春夏之交雨澤未降
業傳諭祈禱雖霖霑稍沾而甘澍未足至今
五月正稼禾方長之日復爾遭旬亢旱炎燠

難堪稼禾將無致傷小民終歲將何以爲計
也爾部可擇日仍前祈禱各衙門辦事官着
實修省勿得視爲故事務期其霖沾足慰朕
軫念民瘼至意特諭

○禮部接出

聖諭朕覽會典自宮禁例一千款民間有四五千
以上原以女子報官閹割有司造冊送部院
收補日選用敢有私自淨身者本身及下手
之人處斬全家發煙瘴地面充軍兩鄰歇家

不舉者治罪我

祖宗好生德意真至周密故立法嚴明爲此近來無知小民希圖財利私行閹割恐傷和氣童稚不堪多至隕命違禁戕生深可痛恨自今以後且不收選爾部可宣布朕意多列榜文自京師五城及省直各府州縣藩封處所窮鄉下邑遍門曉諭諭到之日爲始敢有犯者按法正罪十六以上罪坐正身及下手之人十五以上罪坐主使及下手之人其生使

除嫡親祖父依故殺子孫律科斷如係伯叔
舅親戚人等與同下手之人必殺無赦仍許
諸色人等當時首告本地官司奏聞賞銀十
兩里老鄰右歇家不舉從重治罪有司知而
不禁併行究處倘有強闊他人惟希圖誣賴
的訊明反坐亦不竹棍布告中外確行遵守
體朕如傷之仁共躋仁壽之城特諭

○直隸冤民李尚志奏爲蠹國殃民事奉
聖旨本內事情着行該撫按從公勘奏該部院

知道

○工科爲部臣情窮事奉

聖旨這所奏事情朕已洞悉着法司從公會審除大奸大惡人命重情律有明條的不許濫開其罪本輕原係鋟鍊擬獄的卽着與確審釋放若田爾耕楊寰等俱已有旨了該部知道

○戶科都給事中段國璋奏爲國計民生事

奉

聖旨覽奏軍餉庚呼民力亦竭須廉幹有司善爲調劑使國民兩利此是救時之論其有地
方官借軍興之急陰行誅求以充橐橐此尤
屬非法着撫按不時訪確叅奏該部知道

○刑科給事中楊文岳爲乞清刑獄事奉

聖旨這本說清刑獄一事着法司將二三年來

經厥衛緝拏深文重擬者從公會審務情律
兩合其有株連者與審實開釋其奸惡巨魁
人命重情律有明條不可濫及餘俱有旨了

該部知道

○督師爲危塞異常火災事奉

聖旨前屯火災異常朕心惕然其被災軍民作何優恤器具軍仗等項將何添補着該部作速具覆

○應天巡撫李待問題爲颶風肆虐湖水橫流事奉

聖旨吳中一歲三災近日飄沒尤酷朕心憫之這所奏吳江一邑及蟲災最重地方漕糧改

折事情該部卽與查議具覆該撫按還多方
賑恤用心撫循以保遺黎該部知道

○刑部郎中沈鍾宿題爲滇軍遠酌事奉
聖旨覽奏滇軍遠戍情苦這矜疑題允的着以
該地方定遠近卽情宜極邊的還照常川守
哨例或雲貴亟遣而止該部移咨該撫按着
爲守禦以昭朝廷欽恤至意兵部知道

○光祿寺爲內廩帑紅宜惜事奉

聖旨覽奏光祿寺白糧存積數多浥爛可虞且

蘇松常嘉湖五府水災征輸難辦援例改折
一半深得酌實濟虛之策着該部卽與議覆
行

○應天巡撫李待問爲欽奉 明旨事奉

聖旨黃山一案已有屢旨不許波累無辜乃以
歙縣之山派之休寧甚失朝廷安民德意其
的確價值該撫按不妨從實估計具奏以憑
裁奪該部知道

○光祿寺題爲穢濁之大事奉

聖旨這本說驅散惡黨以慎起居朕所自悉錄
才伸抑清裁易濫俱有旨了藏富于民其諭
甚正以後有司官除搜括銀兩已經奏報者
照舊解進餘不得藉名措辦擾害百姓違者
重處該部知道

○戶部題爲罷兵就食轉餉愈難事奉

聖旨這兩年運過遼餉草束數目明晰知道了
一粒一束俱民間膏血三軍命脉豈容運官
委官折乾滋弊着督餉部院及餉道司官嚴

加查核收放俱要本色實數如有折乾等弊
卽拏究正罪該部知道

○吏科左給事中章允儒謹因選吏之詞事
奉

聖旨方今邊陲未靖水旱不時每念征輸艱苦
夙夜軫懷乃財不在官府不在遺餽苞苴納
級納粟拘拿卸累種種蠹害小民何繇樂生
各臣受命方新着提起精神實實做稟洗刷
弊蠹撫育凋疲有真清真惠治行卓異的一

體賜宴其召對上殿候旨行該部知道
○南京禮部右侍郎李孫宸奏爲地震示警
事奉

聖旨留都根本重地災異示警朕深惕然大小
臣工宜圖修省各御史計議撫卹民隱務修
實事毋循虛文以稱朕克謹至意兩京該部
知道

禦夷

臣聞太原薄伐厥稱上策金城屯守實惟
萬全顧將非李牧椎牛之風邈如主異宋
祖賜貂之恩靡繼戎索罔制所繇來已惟
我

太祖一掃羶穢迨乎

文皇三犁虜穴

列聖代起守在四夷然巫閭片土暫淪左衽建
州小醜尚稽

天討忠臣以之痛心壯士于焉裂眦我

皇上度師几席戰勝廊廟

攬費精之義

明在和之戒餉糧千里士鮮飢色興師十萬
無廢操作敵情入乎

目營妙算良有天授獵狁于襄不再駕矣擇禦

夷第十二

○兵部接出

聖諭朕惟國家赫聲濯美在茲九伐

軍旅

懲前毖後不惟三令五申自武備之凌夷致
封疆之多故每照夷情邊務輒屢夙夜焦勞
申飭何啻再三廢弛依然如故卽如敷慶窺
邊任其躡躅降夷出口若無藩籬疆圉之疎
玩若斯平時之紀律何在頃者天心仁愛
顯示咎徵應天以實旣勑交儆而虔修大事
在我猶當戒茹而徹土爾部職司兵戎務嚴
申儆薦昌延袤作何防範宣雲脆弱作何振
起備禦虛實作何稽查城堡傾圯作何葺理

夷情狡詐作何偵探彼此聲援作何策應通行督撫鎮道選擇將領秣厲兵馬盡心拮据悉計勵勤恪修實効毋飾虛文朕嚴持賞罰明課功罪鼓舞將士之精神洗滌文武之肺腸期從前蒙蔽盡去庶方來銳氣一新嗚呼天道遠而時事邇唯恃預防有其備者無其患益圖共毖欽哉故諭

○朝鮮國王李綜奏爲狂虜亟窮事奉

聖旨覽王奏被兵情節深惻朕懷通同來往權

宜緩兵非王本意至于君臣大誼皎然日星
王之忠盡朕所洞鑒夷情叵測戎德無厭其
益勵薪膽嚴加隄備朕亦申令毛帥悉心牽
制爲王犄角彼此協心共收桑榆中朝屬國
共勉圖之

先帝已乘天羣臣請朕嗣卽皇帝位以明年爲
崇禎元年另有勅書頒諭該國今先于批答
使王知之該部知道

○浙江道御史爲邊防要害事奉

聖旨沿邊要害處處宜防這本說的是塔山近
已葺城着嚴加守禦都邑駐牧之地旣空作
何防範勿使賊爲假道之謀至安挿降夷督
臣從長計議已有旨了朕新御極日惟惕然
屢慮邊事切念

先帝簡用封疆諸臣俱可倚任故槩行留用一
應內外督師鎮道等官宜勿墮前勞益茂新
圖惟和惟謹一洗觀望毋執私念核其功罪
以定賞罰着與申飭行該部知道

○督師題爲西虜感畏恩威事奉

聖旨西虜來附辭無可絕然人數既多機宜當
審安知非都邑正酋結束奴之深謀而東數
乘寧錦之敗別圖之勝算乎飢附飽颺猶其
淺者也安插得宜無絕其好無墮其奸該部
作速妥議具覆其錢糧馬價船隻各欵俱邊
計急着并與速覆議來說該部知道

○兵部題爲西虜感畏恩威事奉

聖旨覽奏解到虜夷投降既不可絕其安插宜

審其防範宜嚴此是長慮石畫旣已馬土差人詢問督師候詳議確妥回奏其馬價等項寺湊處錢糧船隻着戶工二部奉行批給俱屬急着如該部所議行

○兵部奏爲降夷安撫事奉

聖旨降夷一節與以舊賞置之塞外此安撫之正也近以督臣分撥旣定姑從所請然事體重大不厭往復卽着督臣再加籌度從長計較來說王世忠着以原官出關聽委撫夷相

機行事四帥總歸督臣以一調度俱說得是
該部知道

○兵部題爲捕酋侵吞事奉

聖旨是捕首席捲屬夷宣雲患在剝膚宣諭恩
威防範阨塞該督臣同心依議料理邊外羣
夷旣定調停有方無俾闌入以滋後患卽刻
馬上差人說與該督撫官知道

○兵部塘報事奉

聖旨奴逆被創思逞無日忘我據奏結好西虜

狡計窺邊情甚叵測着薊門一帶加意偵探
防備仍將紅夷賊虜等砲安置衝要揀選兵
將朝夕戒嚴其督臣張鳳翼新撫王應豸各
要星夜兼程赴任卽應有舉劾奏繳等事俱
着到任後舉行關內道員缺亟選有邊略的
就近調補該部知道

○督師塘報事奉

聖旨覽奏奴孽狡詐叵測一紙夷書豈是好音
明結款虜顯是窺伺徃鑒非遠卿總師嚴疆

值此冰堅胡騎欲渡嚴飭道鎮將領多方偵
探預設隄防諸要害處嚴加整頓以固金湯
釋朕東顧之虞兵部知道

○兵科爲緊急夷情事奉

聖旨覽奏擦酋擁衆挾賞情誠叵測一面講諭
安一面秣馬勵兵務嚴整以待毋得疎虞
這兵餉硝黃係戰守急需着戶工二部作速
措辦該部知道

○督師申報安插降夷事奉

聖旨祖宗原有招降夷人之制載在會典甚明
但時平虜無大志是亦柔遠之法今諸臣懲
于往事鰐鰐過慮覽奏東西降夷已經解發
關內宜大各安挿訖不絕其向化之路不墮
其竊發之謀具見方略如旣相度機權株勵
以待應發糧餉着戶部速當轉輸遽宜萬分
戒備勿致疎虞餘并着該部看覆

○督師奏爲毛帥已奉明旨事奉

聖旨毛文龍駐師東江原以備牽制之効然必

主制其奴方見成功有如聲息不接糧餉虛糜則孤軍何濟于事覽卿前疏欲毛帥移師蓋套亦是封疆起見卿旣實力擔當必有定算但此舉安危所係甚大是與督撫鎮道諸臣從長計議行該部知道

○原任薊遼總督題爲士氣一新人心思奮

事奉

聖旨這本說扼險出奇足爲將士作氣袁崇煥全城却敵卿能先事保舉誠爲得人若華島

間既經殘破其守備方略還着與計議詳悉行該部知道

○福建道御史爲安捕降夷事奉

聖旨覽奏降夷分置山海三屯亦是督師設處
防患至意但移入內地奸細可虞人心易動
關薦宜大並稱重地豈容不熟思防禦還是
延寧甘固沿邊安捕爲妥仍照例沿途賞給
口糧以示撫恤該部議覆行

○順天巡撫爲夷虜東西合謀事奉

聖旨薊門多警軍餉久虛兵士枵腹何以禦敵
原失年例及未發新餉着與多方措處數萬
兩解赴軍前聽該撫分發以濟軍需該部知
道

○兵部題爲安酋撫兵已久事奉

聖旨朝廷誅賞一視順逆安位從亂爵土已非
其有若能擒彥自効朕開網一面猶不可失
世守倘位不悔悟諸土司擒彥卽以位爵土
與之一切事宜俱聽督臣便宜行該部知道

○督師題爲奴兵已退事奉

聖旨奴兵東退知卿有備但虜謀多狡封疆事
重聯結束夷隄防內地申嚴號令振起士心
卿還悉力料理稱朕委任所請不允該部知
道

○山西道御史題爲海軋日新事奉

聖旨這本說端志向廣施爲勤學問朕當力行
不倦以圖治安全遼未復軫朕東顧精簡器
械嚴課將卒是禦敵急着今脫留策助府第

以待功臣大將張犁庭掃穴之威其自不吝
封拜之典至有求必應俱與申飭行該部知
道

○順天巡撫題爲內憂已靖事奉

聖旨是恢復遼疆有進無退處置降夷有散無
聚繕治牆堡有堅無瑕備蓄邊才有實無虛
遴選武臣有真無假嚴明賞罰有公無私該
部旣議妥着實加意申飭行至糧餉兵甲硝
黃各部俱當悉心多備濟邊臣手以資勝算

該部知道

頌天臚筆卷之二 後